



UNIVERSITÄTS-
BIBLIOTHEK
PADERBORN

Universitätsbibliothek Paderborn

Locorum Communium Religionis Christianæ Partitiones

Arnoldus <Vesaliensis>

Coloniae, 1565

VD16 H 312

Caput 27. Quid est, & quomodo contrahitur matrimonium?

urn:nbn:de:hbz:466:1-30256

hodie moderata sunt: vt anno ætatis
vigefimo quinto ad præfbyterium
accessus fit.

Caput 26.

*Cur nam institutum est matrimo-
nij sacramentum?*

Matrimonij sacramentum in *Gen. 120*
paradiso, ante peccatum pri-
mo institutum est, ad gene-
randam prolem. Nunc vero est etiam
ad cauendi criminis remedium.

Fuit præterea prior institutio ne-
cessitatis. At ista (genere iam huma- *Heb. 13.*
no multiplicato) est voluntatis. Ad-
hæc prior facta est in paradiso, alte-
ra vero extra paradisum.

Quidam autem hæretici perniciosè
sentientes, nuptias cõdemnant, cum *Ioan. 2.*
tamen & Christus præsentia nuptias *Matt. 14.*
approbauerit, & easdem Apostolus *1. Cor. 7.*
commendauerit.

Significat autem hoc sacramentũ
coniunctionem Christi cum ecclesia.

Quod etiam per animorum con-
sensum absque copula carnali perfe-
ctum est, quamuis sic à perfecta defi-
ciat significatione.

Caput 27.

Quid

LOCORVM COMMVNIVM

Quid est, & quomodo contrahitur matrimonium?

CVM matrimoniū sit viri & mulieris maritalis coniunctio inter personas legitimas, indiuiduam retinens vitæ consuetudinem: ideo coniuges sine consensu mutuo non separantur, nec vnus sine altero continentiam vouere potest, sed debitum coniugi reddere tenetur.

Fit autem matrimonium consensu, qui per verba de præsentī exprimitur, etiam si copula carnalis non interueniat.

Estq; differentia inter sponsalia & matrimonium, quod sponsus etiam inuita sponsa monasterium ingredi possit, & contrā: non autem matrimonio per congressum consummato. Quamuis & sponsi coniuges quandoque dicantur. Quod si sponsalia cū vidua cōtrahantur, bigamia per hoc non inducitur.

Caput 28.

Efficit ne coniugium consensus de futuro accedente iuramento?

Consens.